



Heyyakkote Eeggo

Leveled



Sidaamu Afoo



Kuni irkisaanchu maxaafi 'USAID'inni afi'nonni woxu irkonni
'Save the Children'i, Rosu Ministerenna Wodiidi Daga
Dagoominna Manni Qoqqowu Mangiste Rosu Biiro mittimmate
sumiimmenni qixxaawe attamamino.

2009 M.D



USAID
FROM THE AMERICAN PEOPLE



Save the Children



The CC By license lets others distribute, adjust, and build upon this work, for free or commercially, as long as credit is given to the original creation. However, any changes from the original must be indicated.


For more info please refer: <https://creativecommons.org/licenses/>



Heyyakkote Eeggo

Kifile 3

Lamala 7



Qaagiishsha

Aante shiqqino niwaawe (dhagge) illachishshannohu nabbawate huwato aanaati. Niwaawete albaanninna gedensaanni noo xa'mo dawartannota xawisatenni niwaawete mereero shiimare taxxi yitanni nabbabbinore xaphi assidhanno gede kaayyo uyiyyensa. Rosaano niwaawe nabbawate albaanni konni albaanni affinore kultanno gede xa'matenni jawaachishshensa. Konni garinni rosaanonnita niwaawe nabbawate hasatto kakkayissinihu gedensaanni niwaawe nabbawa hananfona. Rosaano irkissinanni baali, xa'muwa dawarate rosaano baala beeqqa assitanno gede jawaachishshensa. Uytanno dawarono haadhinanni taashshi'ri-tumo uyiyyensa.

Nabbawate Albiidi Xa'mo

1. Tini dhagge mayinnire kultannonkeha lawannohe?
2. Heyyakko eego e'inohu ayeraati yite hedatto/a?
3. Heyyakko shorritanni nooti yeedaalatenso oosote?



Bi'ree waro heyyakko mite nooti mittu
manchira eeggo e'ino yinanni. Tini
heeyyakko ugaaxetenni ba'e fultinote.
Heyyakkono ugaaxxanno ooso xooqqanni
bararraaqqe xawo fultinoti manchunniwa
marte iillitino.

Heyyakko dubbunni fulte diegentinote. Dubbu giddo calla kawanna ka'a tartanni affure xinqidhannote. Hakko qachira ugaaxetenni qarrissannose ooso no. Hakko garinni dagge shorriteennaseeti xawo fultinohu.

Heyyakko dubbunni xawo hedeweelcho fultinohura jajjartino. Higgannowi hooge hee'reennase mitto nafara laloho hayisso tuqqanni noo mancho afidhu. Heyyakko hakkonne mancho afidhuti lowo geeshsha hagiidhitu. wodanisennino, “Konni manchiwa mare eeggo eummaro lubbo gateemma.” yite heddu.

Heyyakko waajjitanni heedhe manchunniwa shiqqi yite martu. Konne

manchono, “Maaxie.” yitara hedde coyishiisha waajjitu. Hobbi ruxxi yite sa’e hadhara ikkituta manchu heddinore afi. Manchuno ikkitinota lae mararese isinni coyishiishise.

Manchuno heyyakko woshshe, “Heyyo maikkotta? Kaa’lammohera hasi’rattari noon?” yee xa’mise. Iseno, “Aaddicha’ya kuneeti badhe’yaanni qachi’ne ooso shorritanni nooe.” yitu. Manchu qolikkinni isenni qolte, “Aaddicha! Kuneeti shitaera dagginowe!” yitanni raartu.



Manchu qolannoti, “Xa
ma”assammohera hasi’ratta?” yiise.
Heyyakkono, “Rakke maaxie. Rakkella
maaxie. Lubbo’ya gatisie.” yitanni
huuccidhu.

Manchuno, “Hakkuneeti, hattenne
hayisso giddora ei.” yiise. Iseno rakke
mitto duha usura tire tugino hayisso
giddora surte e’u. Masillu boodere
woyyaaweenase foole qo’litu.

Heyyo hayissote giddo e'e
maaxantollana wodanu digoxinose.
Suutanni goowa gobbara qolte
fushshitanni toyaxxitanni keeshshitu.
Manchuno oosonnita hirreettete huuro
macciishshe agare no.

Heyyakkono hakko heedhe ikkannore
macciishshitannilla agarte no. Konne
mereero faana gantannori ugaaxaano
ooso ka'e daggu. Oosono mancho
xeertote heedhe la'uti shorritanni noori
agurte ruxxi yitu. Ooso mancho affuti
waajjite isiwa shiqqi yite martu.

Oosono waajjitinorinni sheshifatte mancho xa'mitu. Baalunku mitteeni, "Annicha kawaanni higge Heyyakko mite dagguni?" yitu. Manchuno ooso jajjarsa giwe afinokkihu gede ikke doge qolinsa. Isino alba insa widira hige, "Hay ooso'ya heyyakko xawo fultannonni! Dubbo higgellawe xooqqanno." yee dawarinsa.

Oosono Manchu yiinore mitu ammantuta mitu kayinni huluullantu. Insa mereerinni mittu, "Kawoote Heyyo tenne weese giddoralla e'ino. Amme hanni ba'ukki hansona!" yii. Baalunku gatira weesete giddora e'e Heyyo hassara higgu.



Weesete giddo oosote heddinokkiri
xaadinsa. Mittu qaaqqi hedeweelcho
yeedaala lai. Heyyakko hasanni
heeshshi yiinowiinni gotti yaanno
woyte mitte jawa weeshsho go'lite
yeedaala farro quushshe uurrite no.

Hakku balaxe lai qaaqqi, “Kuneeti
yeedaala la’e! Ittankaati!
Ittankaati!” yaanni canci. Yeedaala
insa dugganni nooha laweennansa
ooso baalunku masse raartu. Yeedaala
dugganni noohu kayinni ooso ikkikkinni
Heyyakko dagge e’inota affeeti.

Yeedaala wodana heyyakkote aana
tuggino daafira ooso ikkitannota caaqqi
yiteno dila’ino. Heyyakko fultannota
ille worte agarte no. Oosono umo
amaxxite raartanni badhera higge
xooqqu. “Annicha! Annicha!” yitanni
woshshidhanno.

Manchu oosote raare macciishshe
dode mari. Isino masillaawe bainohu
mitu, “Ooso maati? Maatiwe yoommo!”
yaanni mari. Insano, “Kuneeti
yeedaalate! yeedaalate!” yitanni
cancunni dawartu. Manchuno ooso
ikkitinori nookkita laiti wodana assi’re
ooso galfattanno gede assi.

Manchuno ooso yeedaalate su’ma
gantuta, yeedaala Heyyakko dugginota
afi. Ooso rahe, “Hanni anewa amme.”
yee gatinni nafarira haa’re fushshi.
Isino Yeedaala marte adhitannose yee
Heyyakkoniwa rahotenni fulle mari.



Manchu gatira sainota affino yeedaala dodde nafarira fultu. Heyyakko yeedaala dila'ino. Wonanku jajjartanni noo Heyyakko xa handissi yite ofolte no. Nafarinni ooso sa'e hadhino daafira Heyyakko suutunni ikkite goowa fushshite la'anna yeedaala la'e, ‘Techo iilli’roommahena.’ yite hagiidhite ka'u.

Yeedaalano hagiidhitino garinni marte Heyyakko amaddara ka'a kawa lay idhu. Ka'a kawa lay idhu woyte nafara noonku dino. Gate noo manchinna ooso dagge iillitannoe yite diheddino. Konni daafira suutunni yaasse Heyyakkonnawa shiqqi yitu.

Manchunna ooso gatinni nafarira higge furduggi yitu. Yeedaala Kayinni insa la'ukkinni Heyyakko amaddara kubbite martu. Heyyakko raarte xooqqu. Yeedaalano hoode shorritanni haadhe kayissuse. Heyyakkono bararraaqqe raartanni lubbo adhite xooqqu.

Manchu wonanni wodanunni huluullame noohu, “Hanni iti! Hanni iti” yaanni yeedaala shorri. Oosono mitteenni koocce insano, “Hanni iti tee!” yitanni shorritu. Baalunku yeedaala shorrite Heyyakko lubbo gatissuse.

Wona amadde gorridhara ugaaxxanni noo ooso galagalte Heyyakko yeedaalate afinni giggishshitu. Ooso konne assitinohuno yeedaalate giiranteeti. Insa ugaaxxe amaxxa hoogge agurtinota yeedaala ittannota gibbino.



Ooso baalunku Heyyakko mittore
assitannosekki gede sumuu yitu.
Insano Heyyakko amadde manchu
nafarira abbitu. Manchuno, “Hanni
Heyyo uulla worre.” yee ittannore
uyise. Manchu qoleno, ooso xaano
Heyyo itate yogora diagurtano yee
huluullamino.

Wona sumu yite abbitino oosora
xaano wodanu huluullise giwinonsa.
Oosote mereerinni mitte qaaqqa ka'e,
“Annicha Heyyo tenne mayra gorri’ne
di”inteemmo?” yitu. Wolootuno,
“Annicha gorri’no! Gorri’no!” yitanni
cancitu. Canconsano ledde ledde
batissu.

Manchu qolannoti, “Ooso hay ki’ne!”
yii. Hanni mittore kuleemmo’nena
macciishshe. La'e, “Mannano ikkiro
saadano ikkituro, eeggo einoha
dikinsanni.” yee wodaninni jawu
manchi seejjo uyinsa.

Oosote mereerinni mitto qaaqqa
woshshe, “Taaga ate amakki
shorritannahe anewa dagge eeggo
e’enna gana agurte hadhuta
diqaagatto?” yii. Qaaqquno, “Ee
annicha’ya garaho”, yee dawari.
Qaaqquno mancho lede xa’manni,
“Annicha Heyyono xa atewa eeggo
e’ino yaatenni?” yii.

Manchu qolannisi, “Eewanni beetto’ya
tini Heyyakko anewa dagge eeggo
e’inote,” yee dawarisi. Ledeno
hakko garinni kule ooso eemarsi.
Wona insa shorritanna isiwa dagge
maaxantinotano kulinsa. Konni daafira
tenne Heyyakkono kissannokki gede
qorophisiisinsa.



Ooso baalunkura dhagge ikkeennansa afoo cu'midhe heddu. Baalunku, "Hada eeggo einoha saadano ikkito, manchono dikinsanni!" yite maala'litu. Heyyakko manchu asse gatisinose gara galata assidhu. Konninni kainohunni Heyyo, "Atewiinni dibaxxeemma," yite manchu mine ceanosi ikkite heedhino yinanni.

Nabbawate Gedensiidi Xa'mo

Biddissa : Aante shiqqino xa'mo
niwaawete garinni dawari.

1. Ooso heyyakko shorritinohu
mayiraati?
2. Ooso yeedaala affuti maytanni
raartu?
3. Ooso, “Heyyakko gorri’no,” yituta
manchu mayyee dawari?
4. Manchu ssjjo ooso adhitunso gibbu?
5. Jawu yiinore macciishshe adha
danchatenso bushate? Mayra?

